

Échi Instituto Estatal Electoral Chihuahua nirúami, mápu rika aní échi oséli osirúami **IEE/CE70/2020**, mápu riká aníli Consejo Estatal isima

BAJUREWA A SINÉAMI RALÁMULI, REJÓI ALÍ MUKÍ KERÉ MÁPU ABÓNI A NÁTAKA NAKÚRO (KE BILÉ PARTIDO KÍTI) RE´ENALI JÉPI NA JAWÁLIWACHI, MÁPU NÍMA RE ÉCHI USÁNI INÁRACHI JUNIO MECHA OKUA MILI OSAMAKOI BILE BAMÍBALI INÁRACHI, AYÉNA A NAKÚLIWIPA RE MÁPU JÁWAMI NÍMA SILÍAMI JÉNA BAMÍBALI 2021-2027, jérika nísá re

JÉRIKA NÍMA RE ÉCHI

BACHAKO. Névála mapurika. Échi cho a tániwa mápu riká a inéma mápu riká aní áchi artículos 21 a´lí 84 mápu jú Constitución Política del Estado Libre a´lí cho Soberano de Chihuahua, alí cho 8 níwala Ley Electoral del Estado, mápu riká uchúwi naí bachámi.

- I.** Nísá re mejikano je naí ochérikami, ali chihuahua bitéami, mápu a ke namúti isíka iyénami jú;
- II.** Naí ochérami nísá re alí naí a asisáre bitéa péé malí bamíwali mápu alí botáripa re.
- III.** A níwisare a besá makói bamíwali sebaríka, alí ke tási ke tási kicháosa makói bamíwami nísá re mápu alí botáriwachi.
- IV.** Tási nísá re raíchali nijíami échi biléana teyópachi mápu riká páli keré o pastor, o ayénacho alá nísá ma ku riwésa échi, alí olása mápu aní échi ley.:
- V.** Ke tási riwarárami nísá re silíami, péé téeli interina anelíwami, o wilíami ke itélisa échi, mápu riká anía chukú échi artículo 90 échi constitutionchi.
- VI.** Ke tási nísá re échi secretaria General gobierno níwala, alí keré ma Fiscal General échi Estado, ke bilé tási nísá re magistrada échina Tribunal Estatal Electoral chi, a riwésa ko échi nóchali chabéka jónsa usáni mecha chabéna jónsa,
- VII.** ke tási nóchami nísá re échina Federalchi, mápu riká walúala nulámi alí ke tási cho nóchami mápu riká walúala échi ejercitochi, échi riká re´énala ko a ayénacho usáni mecha chabéna jónsa riwéma re.
- VIII.** Ke tási cho bachaká achárami nísá re bilé bamíwali, jéna makói bamíwali jubáka jónsa.
- IX.** Ke tási nísá riwéili presidenta échina comité ejecutivo nacionalchi, estatalchi, municipalchi walúala, o militante, o a jarécho biléana partido político anelíachi, o bikía bamíwali jubáka jónsa mápu alí botáriwachi, ke tási cho nísá candidata chabé candidata

o che jaré re'éki jawáliami échi bilé partido político kítira o napawíka wikabé partidos ma, jubáka ka, a kalá nísa ko mápu riká aní legislación alá níma re.

- X.** Mápu nisa re bile a nijewami o isim a votáriwachi
- XI.** Ke tási nísa re magistrada échina Tribunal Estatal Electoral, a riwésa ko échi nóchali chabéka jónsa mápu riká aní échi artículo 107, numeral 2, échi níwala Ley General de Instituciones alí Procedimientos Electorales;
- XII.** Ne tási nísa re bisirente je naí Instituto Estatal Electoral o consejera electorachil nirúami, o wé nalí a ku riwésa échi cho a chabé jónsa mápu riká inérami jú 100, numeral 4, échi níwala Ley General de Instituciones alí Procedimientos Electorales;
- XIII.** A ruméa échina Instituto Estatal Electoral, mápu binói namúti níwala, o mápu níwika bité, alícho a oséka a animéa mápu ke tási níwa échi antecedenes penales o policiacos (échi ko jú mápu mu mujé namúti ke kalá isísa) binói yúa bitéami a jarécho sayérika, kichía iyénisa jaré mukí o rejói keré.

- XIV.** Tarahumara: ke tási winijírami nísa échi mukí sayérika iyénisa o rejói keré ma. Ali ma ke tási nijía inása échi kúchi koála échi riká nísa mápu alí a binói machiká a niwása oséli mápu échi riká oláma ruli.

OSÁMI. Oselí Mápu riká jú ne bajuréliwami, a bela nawása re jéna oséli yúa:

- I.** A ruméa mápu re'énali jéna re'éki candidaturas independientes anelíwami, Osaká nijísare, échi oséli ke tási kopia ko, échi "Formato MG01", mápu níwisa ré pe jaré namúti mápu jú: kárika riwalá mápu re'énali, mápu riká chukú échi credencialchi botárialala jú échi chuála atíami, alí animéa mápu píri re'énali, alí cho bilé firma autógrafa, o ke tási níwisa ko pe échi rachínima échi makúsalachi, alí ayénacho a níwima biléala mápu aní jaréana oselíchi mápu alí níwisa. Échi clave elector, OCR (a ináro échi identificaciónchi jubáka) alí CIC (échi ko jú código anelíwami mápu credencial botárialala níwi), bilé numero teléfono níwala, correo electrónico anelíwami mápu a iyénachi a Facebook o Google anelíachi, alí píri mi jú rejói o mukí, alí ayénacho a animéa a jaré ralámuli jú a jarécho si keré mápu chabé jónsa je naí piréili, o mápu riká mi anéliwa,

electrónico mápu animéa suwába namúti mápu ti aníli, alí échi suwába namúti a inérami níma mápu alí taa inása échi nakúriami.

II. Échi mápu riká isíli ko a bela a yúa inárisa re échi jéna osélichí

- a. Échi kopia mápu jú bilé acta constitutiva bilé asociación civil níwala mápu níma re échi bajuréami mápu jú candidaturas Independientes. Échi asociación a belá niwárami nísare jépi na, échi newáma mápu re'énali, alí échi mápu u'íríka chukuméa, ayénacho a mápu a tibúa o inéra chukú échi namúti natéami. Échi acta ko a bela níwima cho , mápu riká a anérami o inérami keré échi *Lineamientos de candidaturas independientes echi olíala Proceso Electoral Local 2020-2021*
- b. Échi pe kopia alí bilé oséli mápu échina aní mápu échi asociación civil a atícho échi Sistema de Administración Tributaria anelíwachi;
- c. Oséli mápu aníami jápi a níwi bilé cuenta bancaria échi níwala asociación civil
- d. Osekaá animéa, mápu a ne wichíwali a aní mápu, alí a ayénacho a suwába a la jú mápu riká aní artículos 21 alí 84 échi níwala Constitución Política del Estado de Chihuahua, alí ayénacho artículo 8 níwala Ley Electoral del Estado de Chihuahua, échi "Formato MG02";
- e. Péé bilé kopia bachámi alí jubáka échi credencial botárialá chuála atíami, échi níwala mápu isíli, alí mápu wilíami ka chukuméa, alí ayénachi échi wenómi tibúami o nesérami;
- f. Ayénacho a osaká biléana "Formato MNE", échi mápu re'énali alí méa binói ikíwika mápu échi raíchali ko a náwirami níma electrónico anelíwachi, a osaká binói échi mápu reéma're;
- g. Animéa échi échina "Formato MDP", échi mápu binói o mápu ikíka píri níwia;
- h. Alí mápu ikí binói muyéwi o natétia wenomí anéwami Declaracion Fiscal;
- i. Alí bilé formato mápu a katúwitami níili échi mápu ne reéma're, alí cho ayénacho a animéa a níwia échi wenomí o we alé bité échi mépu jú bachá chukúami, échi ko osaká alí binói baweráka rewalá nijíma, alí a jarécho oséli mápu riká a aní Sistema Nacional de Registro de Precandidatos alí Candidatos (SNR) del Instituto Nacional Electoral;
- j. Alí a binóiko oselíchi o biléana mápu aní mápu échi mápu re'énali ko a jú o jónsa ináro biléanachi pueblo ralámuli pirélichí.

Échi formato mápu riká aní échi candidaturas independientes alí échi bilépi modelo aníala Estatutos de la Asociación Civil, a bela inébo échina portal internet

"www.ieechihuahua.org.mx", a nirú biléana "Candidaturas Independientes", échina animéa chu riká níma, alí ayénacho a wilí bilé kalé je naí avenida División del Norte, número 2104, colonia Altavista, de la ciudad de Chihuahua, Chihuahua, ayénacho a jaréana municipiochi a nirú oficinas municipales.

BESÁMI, Échi Sistema Nacional de Registro, a bela a anisáre échi jaré mápu re'énali ko a tása re je naí Institutochi bilé folio anelíwami mápu náti bakiméa rikásia échi SNR alí a bochíwima alí buwanáma keré oséli échi jaré formato nirúami inciso **i)** échina nirúami, échi folio ko machí páwa jérika:

- a) A mi tánima échi bilé bochíwika bilé formulario jenaí internechi https://forms.office.com/Pages/ResponsePage.aspx?id=-6qVxwbKS0OOLHZeRzgGgWcHWXBON21Fjh_MVyHef8BUMFIQTEZROTdDSjZNUktLMjcyOUhZQIlyMC4u;
- b) Áli ayénacho a binói simiká échi oficinas centrales jéna Instituto níwala mápu jú avenida División del Norte número 2104, colonia Altavista, en la ciudad de Chihuahua, Chihuahua; alí ma.
- c) Raichábo ma telefonochi jéna 6144321980 extensiones 2076 o 2079.

Échi bochíwiliami ko oselí ke tási ma je aní mápu mujé ma jú aspirante bilé candidatura independiente, alí échi ko bela a níma échi aspirante a candidatura independiente ma a nijísa échi Instituto Estatal Electoral.

Jaré namúti a néwaleako a machinália ka échi SNR, échi mápu machináli a bela a anéma o simáma échi Unidad Técnica de Fiscalización del Instituto Nacional Electoral, a yúa échi Dirección de Programación Nacional, échi teléfono 55 5599 1600, échi extensiones 423116, 421164 y 421122, échi correo electrónico reportes.snr@ine.mx ayénacho.

NAÓSA Chu rika alí kúmi simíra échi anísia mápu échi riká katúwa. Mápu alí jónisa júko jú échi rawé **8 mecha noviembre alí 2 rawé inárachi mecha diciembre jéna bamíbalí 2020**, echinámi Secretaría Ejecutiva del Instituto Estatal Electoral

MALÍMISA. Chú riká anibóá o inérami jú échi Aspirante. Échi Consejo Estatal del Instituto Estatal Electoral a bela ma alá animéa échi **rawé 9 mecha diciembre jéna bamíbalí 2020**, mápu chu riká jú échi mápu re'énali.

USÁNISA: Nikúriami ralámuli. Échi mápu chu riká nakúra nokiméa échi ralámuli échi mápu re'énali nírá a bela níwima échi **11 inárachi mecha diciembre jéna bamíbalí 2020** a suiniachi échi **19 enero mecha bamíbalí 2021**.

KICHÁOSAMI. Chukí nawáli kuírowami. A bela a napabúsa re jaré bawerála o firma anelíwame ma, jaré ralámuli mápu oná re'énali chiná piréami, mápu riká aní artículo 205 échi Ley Electoral del Estado de Chihuahua níwala, mápu riká a anirúami échi tablas descritas nálichí Lineamientos níwala.

OSANAÓSAMI, Kúmi jónsa siméa wenomí. Mápu riká níma re échi nikúriami mápu u'írinili échi ralámuli échi wenomí nijía, a bela anérami níma chu ikí jónsa oméra naréa échi bela a animéa Consejo Estatal del Instituto Estatal Electoral a bela nísa re 30% échi riká bela olárami níli chabé mápu re'élichó, ayénacho piri kítira re'éma reko, a bela uchúi chu riká níma re.

KÍMAKOISA. Tánia a keré échi solicitud kítí inépo, mápu nijírami jú a bela a inéro chu riká o a wé alá jú ke tási alá keré échi bela jú Instituto Estatal Electoral nalí rawé **20 a 24 mecha enero bamíbalí 2021** échi nalí "Formato RG01", a niwámi jéna rawé aníami:

- I. Rewalá suwába alí bawerá firma o nalína rachínika échi nalí makúsala kítira,
- II. Kúmi ochérali alí pírí rawé;
- III. Kúmi bité alí chu ikilí níwi échi na bitéa
- IV. Échi correo Electroniko
- V. Pírí isíami jú o pírí nóchami jú.
- VI. Clave elector
- VII. Alí animéa pírí re'éma ru jéna re'ékiachi
- VIII. Animéacho a mápu ralámuli ko ru o échi chiriká náta ru
- IX. Alí ayénacho a animéa jépi kúa níma re échi representante legal, bilé numero teléfono alí biléana kúmi naréma notificaciones anelíwami.

- X.** Alí Ayénacho a animéa jépi animéa re échi wenomí tibúami níma alí a kúmi a riwibó échi, alí mápu nijja chukuméa échi informes anelíwami.

Alícho si échi solicitud ayénacho a si inárima échi jéna oselíchi yúa:

- I.** Ucháma cho mápu a aní mápu binói nátika ke wési anéli mápu níma candidata a keré ma candidato independiente mápu riká “Formato RG02”;
- II.** Kopia alá machíami échi acta nacimiento (pée a kulí machibúrami) alí ayénacho échi credencial botáriwami okonámi bachámi alí jubáka;
- III.** Échi mápu oná animéacho échi namúti wé natéami mápu chu sía nínali ru échi alí mápu riká nocháma ru échi candidatura independiente jéna campaña electoral;
- IV.** Nalí échi mápu machirúami échi bilé cuenta bancaria irápitami aminá bancochi mápu oná neséribó échi wenomí échi re'éami candidatura independiente;
- V.** Rúma cho informe anelíwami mápu chú riká suwábali o chú riká naréli échi kuírili échi ralámuli níwala, ayénacho mápu árami jú échi Sistema de Fiscalización del Instituto Nacional Electoral kítira;
- VI.** A biléana a osaká a animéa mápu a ne wichíwali rika ani echi bela a animéa echi nali kítí “Formato RG03”
 - a.** Kúmi bité échi mápu re'éma re alí chu kabú jónsa bité échina;
 - b.** Alí ke tási cho naréma wenomí échi ke alabé nísa o jarécho cháti namúti nóchami nijísa o jarécho mápu pée ke alá nátika nijísa;
 - c.** Ke tási nísa riwélli bisirénte échina comité ejecutivo nacionalchi, estatalchi, municipalchi walúala, o militante, o a jarécho biléana partido político anelíachi, o bikía bamíwali jubáka jónsa mápu alí botáriwachi, jéna kécho chótachi Proceso Electoral 2020-2021;
 - d.** Ke tási nísa chabé échi candidata o candidato bilé partido político kítira o napawíka a ma re'éka nokisá échi, biléana re'éwami proceso electoral Federal o local alí;
 - e.** Ke bilé namúti ke nakíwitami nísa cho o jarécho keré winijárami nísa échi mápu nínali candidato independiente.
- VII.** Oséka a animéa mápu échi wenomí mápu muchúwi o muchuwárami níma échina cuenta bankochi échi asosiasion civil níwala a inérami níma pée chuwé rawé, échi walubéala kítí, a mápu riká aní “Formato RFCB”;

VIII. Alí ayénacho a píri aníami níma re échi o chu riká machirúami níma échi medio digitalchi, alí chírika bawerárami ináríma o iyókitami jú échi candidato independiente, mápu riká jéna bachámi ni mi anéma:

a. Échi Software enérami: Illustrator.

b. Chu uchulúpi jú: a anáwitami nísa re 5 x 5 cm.

c. Chu iyéri níma échi chuála o imagen: Trazadas aniwámi vectores (mápu jú échi anáwika).

d. Tipografía: Ke tási wési che niwáma alí alá niwáma.

e. Iyókitami: a ruyéka chu riká toméa échi iyókiala chu ikí niwásimi.

f. Ko tási chuala atiami nísa re échi candidato independiente níwala tási iyéri nísa re mápu riká échi partidos policos níwala, alí kécho mápu riká échi Instituto Estatal Electoral o del Instituto Nacional Electoral, ke bilé religiosos níwala cho o jarécho namúti échi ma échi religioso.

IX. Pée bilé kopia bachámi alí jubáka échi credencial botárialala chuála atíami, échi níwala mápu representante lega jú, alí mápu uíría chukuméa, alí ayénacho échi wenomí tibúami o nesérami alí mápu a isíma nijéwa échi informes mápu chírika járo, alí a nijíma cho osaká biléana mápu oná a riwibóa.

X. A bela a níwima cho bilé respaldo o katéwika a biléana oselíchi múpu a nijéwitami jú, alí a níwicho échi riwalá, firma, alí clave de elector, OCR, CIC alí sección, numero, chú kabú niwárami jú, a si inárisa re échi kopia we alá machíami échi credencial botárialala níwala échi mápu nakí o u'fra járo échi re'eami.

MAKÓISAMI, Inéa échi mápu nijíli, A bela a inéma re échi mápu nijíli échi ba a nijéwika mápu riká ti aníli naí a bela níma re **20 enero mecha a suinía cho ámi 23 febrero mecha bamíbali 2021.**

MAKÓI BILÉSA. A animéa chírika níma échi nijíliami mápu re'éma candidaturas. Échi Consejo Estatal níwala Instituto Estatal Electoral a bela a napawíka raicháma ke tási simírísa re échi rawé **24 mecha febrero bamibali 2021,** kíti abóni a nokimá inéa échi a we

alá ka mápu abóni a aníli mápu alí nijíli oselí o chírika katúwa échi mápu re'énali candidaturas independientes mápu re'énali échi silíami kítra,

MAKÓI OKÚASA. Ma ne registraría o nijía kárika oselí échi na candidarutas. Mápu alí échi naréwa échi suwába namúti oselí keré mápu re'énali échi candidaturas mápu re'éma silííami, jéna jawáliwachi Proceso Electoral Local 2020-2021, a bela a nijíma o inériami níma **nalí rawé 12 alí suiníka 22 marzo bamíbalí 2021.**

Échi sesión mápu riká niwárami níli échi naréala registro échi candidaturas níwala ko a níma **re 3 mecha abrilchi bamíbalí 2021.**

MAKÓI BESÁ, Chu riká ta tibúla échi nawilí kítra. Mápu riká a nirú jípi échi nawilí wé chátí naí paischi alí a wécho tamujé níwala estado Chihuahua mápu riwéwa COVID-19, échi naréliwami oselíko o mápu anináli o nijínali jaré requisitos alí re'énala nokináli, a bela anisá re o anéma bachácho píri ráwe, a raíchaka teléfono 614 432 1980, extencionchi 1800, 2079 o 2079. A bela échi naréliwami ko nísa re mápu riká ti aníli chu riká, píri tosare, alí píri níwisare. Jérika nima re:

- I. Pé bilépi nakíwipo mápu bakiméa échina pachá, a ne wé natéami nísa ko péé okúa ralámuli a simárika nijíma échi;
- II. A mápu a pachá abakíko bela uchaká bakiméa échi cubrebocas, riníla alí chomála chéwika;
- III. A mápu alí a bakíachi échina a bela inébo áchi ke níwia ratalí, alí ámi alá oméra iyéna iwía, ámi uchébo re sikachí échi gel mápu níwa 70% alcohol, ayénacho a paníkima, alí nayúá iníliko échi iwíiala kutachí, alí ratalí ke bela mi nakíwipo re bakiméa échina.
- IV. Alí ayénacho a a mápu riká aníli mápu re'énali échi inéliwami ko oselíchi o náriwami namúti a bela a mi nijíma mápu riká aní jéna convocatoria alí muchúaka biléana bolsachi plástico anéliwami.

MAKÓI NAÓSA. A anéliwami ko jéna a níwicho échi derechos nalí échi candidatas o candidatos independientes mápu registrarí, a bela animéa échi Ley Electoral échi Estado de Chihuahua.

MAKÓI MALÍSA. A transparencia alí échi oselí ralámuli níwala, échi oselí mápu nijísa échi mápu re'énali aspirantes anéwami, a a bela a muchúwi alí tibútami níma mápu riká aní Ley General de Protección de Datos Personales, échi Ley de Protección de Datos Personales del Estado de Chihuahua alí ayénacho Aviso de Privacidad respectivo, a muchuwárami o buyanárami mápu a sinéami éna jéna Institutochi: <http://www.ieechihuahua.org.mx>.

MAKÓI USÁNISA. A jarécho namúti ke anirúami, a jaré mápu ke anirúami jéna convocatoria a bela inérami níma alí karéwitami níma jéna Consejo Estatal del Instituto Estatal Electoral de Chihuahua kítira.

El suscrito Encargado del Despacho de la Secretaría Ejecutiva del Instituto Estatal Electoral de Chihuahua, con fundamento en el artículo 68 BIS, numeral 1, inciso a) de la Ley Electoral de esta entidad federativa, certifico que la presente página marcada con el número 8 (ocho) es la última del documento denominado "Convocatoria a las Ciudadanas y los Ciudadanos que de manera Independiente deseen participar en la Elección Ordinaria a celebrarse el 6 de junio de 2021, para renovar el cargo de Gubernatura del Estado de Chihuahua, para el Periodo Constitucional 2021-2027", aprobada mediante acuerdo de clave **IEE/CE70/2020** del Consejo Estatal de este Organismo Electoral Local.

Chihuahua, Chihuahua a veintiuno de octubre de dos mil veinte.

**IGNACIO ALEJANDRO HOLGUÍN RODRÍGUEZ
ENCARGADO DE DESPACHO DE LA SECRETARÍA EJECUTIVA**